

Charly&Luke, 9j.



suchet dringänd zäme es Daheime mit Freigang/Garte

Liebi Tierfründe

Hoi Dir da, heit Dir es Plätzli frei für üs 2? Mir sy dr Charly u dr Luke u dringänd uf dr Suechi nach eme nöie Daheime. Warum? Bi üs daheime het's zwöibeinige Nachwuechs gä. Us Protescht hei mir aagfange innez'bisle. Denn hei mir zügler dörfe i es Daheime ohni Ching, abr ou ohni Freigang. Drum hei mir wiedr proteschtbisle müesse. Mir wönnt eifach es Daheime ohni Ching abr derfüre mit Freigang. Drum!

Mir sy Brüetsch, 9jährig, kaschtrieert, gimpft, gsung (sy dürechecket worde), pflägelicht u sähr verschmuest (mir hei s'Schmüsele erfunde!), aahängelech u ganz lieb. Dr Charly isch der Dickeri vo üs u dr Nöigiirigeri u er isch e Schuhfetischischt, er schnupperet a alleni Schue! Luke dagäge isch dr Schücheri, er isch es bitzeli schröckhaft (bsunders bi komisch Grüesch), denn schickt er liebr dr Charly füre! Mir nähmes böidi gmüetlech u pfuuse gärn im Bettli vo üseni Mönsche. Dörfti mir das ou bi Öich?

Mir wönnt unbedingt mau usse, Gras unger die Pfote schpüre, bis hüt het's nur Baukon gäh. Ching u angeri Huustier wönnt mir uf au Fäu nid im Daheime, mir wönnt aus Einzelprinze im Mittelpunkt schtah, ohni Konkurrenz. Mir gnüege üs vouchomme. Nur Dir u mir zwöi!

Mir sueche zäme es ruhigs Daheim mit Freigang i sähr verkehrsarmer Umgäbig odr mit eme Garte, bi liebi chatzeerfahreni, geduudigi u verschtändnisvoui Lüüt mit viu Ziit, bi dene mir d'Nummr eis dörfti sy. Siit Dir villlicht grad pensioniert odr sunsch viu daheime? U wohnt Dir verkehrsarm im Grüene odr heit Dir en Garte? Das wär's. Denn müeset mir üs unbedingt lehre chenue. Mir wohnt derziet no z'Lenzburg/AG, zügler abr gärn zu Öich, wo ou immr Dir wohnt. Mäudet Öich doch bitte ganz gly bi dr Sonja Ball. Sie het sich üs aagnoh u suechet für üs das nöie Daheime.

Öiri Charly&Luke



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch